

莊子

無求齋
莊子集成續編

42

嚴靈峰編輯



圖書館印行

無求齋莊子集成本編
(二十四)

嚴靈峯編輯



藝文印書館印行

中華民國六十三年十二月初版

莊子集成續

精裝全四十二冊

全本定價

元整

外埠酌加郵費

版權所有
不准翻印

本公司業經內政部核准登記證字號爲內版登業字第〇〇六〇號

局街館號

莊子音義繹

丁展成撰

蘇子知書

PDG

藝文印書館據民國二十
三年排印本影印



書展成甥莊子音註繹

余幼隨先君子睢陽官廨有蔣吏者年七十餘皓首龐眉長髯盈尺攜蘇批孟子新安黃正叔校印袖珍本莊子二種曰以此贈公子此余讀莊子之始也時方習舉業每拈其句入時文塾師愛之又切戒之未幾應辛卯試以用惡乎然惡乎不然之句費解見斥噫余於莊子亦何嘗解哉章句之儒破碎貽詢訓詁之學晚出愈精然而王船山莊子解謂北冥鯤鵬遙也而未能逍蜩與鷲鳩飛搶榆枋逍也而未能遙至人無已神人無功聖人無名乃無遊而不逍遙析義精矣抑何鑿也何如陸德明之作消作搖義取閑放怡適得其妙旨姚惜抱莊子章義於女以妄聽之奚引王伯厚奚字絕句而郭象注成玄英疏均以何字解奚本作如是讀固不待王伯厚而然也余之讀莊子也章氏莊子故固未出俞氏平議亦未之見郭慶藩莊子集釋尚未印行徒愛其文而孟浪誦之其後


涉獵諸家之說默識其旁通曲證如湯之間棘成立英疏棘者湯時賢人列子謂之夏革棘革聲類字之誤也簡文曰湯大也棘狹小也俞樾乃斷爲簡文未讀列子真冷禹曰女戒之哉詞馬本真作直又冷或作命又作令王引之謂直當爲直籀文乃字隸書作迺故譌作直又譌作真命與令古文通迺令禹卽乃命禹之類是也懷疑其改竄比傳如莊子反人三月不庭王念孫則以庭常讀爲逞不庭當作不逞作蒿目而憂世之患舊解蒿亂也命樾則以蒿乃瞳之段字瞳與高古音相近蒿之通作瞳猶駕之通作鶴與瞳之類是也近且老矣惟藉歐陽公莊子文字快活但通大義自是開發無限之語自儻於安吾甥弱冠幼學鄉叩余以莊子之義知其究心有日未幾遂以此編請質由是進之讀古人書望文生義響壁虛造之失庶幾免乎故爲舉余於是書之得失書於簡端

戊辰閏月金鍾麟

序

前歲滬濱友好有以此書付梓爲勸者而上卷尙未疏剔竣事且學薄識淺詮釋古書未敢自謂存雄比來奔走衣食學殖荒落所增無幾同學諸子屢以書來問近况愧無所對刻鵠畫虎取寄遠人聊當晤對且乞箴規焉

二十年一月宜興丁展成



莊子音義釋

宜興丁展成學

外篇

駢拇

伯夷死名於首陽之下盜跖死利於東陵之上

展成謹案太史公伯夷傳曰盜跖以壽終此與伯夷並舉云死利於東陵之上下文言二人者所死不同其於殘生傷性均也則盜跖殆非良死

馬蹄

一而不黨命曰天放 郭云放之而自一耳成云放任則物皆自足

展成謹案法天而行故曰天放俗作倣古直作放天道篇夫子亦放德而行循道而趨已至矣放循對文放亦法也天運篇放風而動司馬云放依也依無爲之風而動依亦有放效之意成說非

其行填填其視顛顛 釋文填填崔云重遲也顛顛崔云專一也

展成謹案淮南覽冥訓其行蹢躅其視瞋瞋高注云蹢躅填填之填今案
莊子其視顛顛淮南作其視瞋瞋顛係音借瞋乃字誤秋水篇瞋目而不
見丘山瞋即瞋之譌可證正字當作瞋說文瞋張目也其行填填淮南填
填作蹢躅爲本字說文云蹢也故讀書貴以各書相參

肱篋

昔者容成氏大庭氏伯皇氏中央氏栗陸氏驪畜氏軒轅氏赫胥氏尊盧氏祝
鳩氏伏犧氏神農氏 司馬云此二氏皆古帝王

展成謹案漢書郊祀志昔無懷氏封泰山禪云云師古引鄭氏注曰無懷
氏古之王者在伏犧前見莊子今莊子無之不知是否此處脫文

知詐漸毒頽滑堅白解垢同異之變多 解垢司馬崔云隔角也或云詭曲之

辭

展成謹案解垢卽解構今俗書作邂逅垢之爲構猶違之或作逅淮南俶真訓孰肯解構人間之事高注云解構猶合會也

惴栗之蟲 栗端釋文崔云蠨蛸動蟲也一云惴栗無足蟲

展成謹案細審釋文崔本惴栗似作蠨蛸總釋爲動蟲字義均非惴乃蠨之音借說文蠨蟲行也栗本字作蠨說文云動也淮南俶真訓蠨飛蠨動是其證崔誤以蠨蛸爲二字不知實一字之音變也說文羽部有翾字云小飛也又案段注說文蠨下云凡蟲行曰蠨上跋爲徐行則蠨爲疾行羽部曰翾小飛也段意以蠨翾爲一字下李注可證其說

肖翹之物 釋文崔云肖翹植物也李云翾飛之屬也

展成謹案說文肖作蛸云蠨蛸堂蝦子翹下云尾長毛也李說是

在宥

是不恬也 是不愉也 成云恬靜也愉樂也

展成謹案高誘注淮南云恬愉無所好憎也較成疏爲善

其熱焦火其寒凝冰

展成謹案火係誤字淮南詮言訓作或熱焦沙或寒凝水

天地

同乃虛虛乃大

展成謹案文子自然篇老子曰靜即同虛即通

於于以蓋衆 釋文本或作𪔐吁司馬云夸誕貌章炳麟云說文於古文鳥孔
子曰鳥旡呼也取其助氣故以爲鳥呼然則於于即鳥旡盛氣呼號之謂司馬
說近之

展成謹案烏肝以蓋衆似非子貢所嘗爲於于當爲華誣之音轉列禦寇篇從事華辭是其證淮南俶眞訓華誣以脅衆正作華誣高注云設虛華之言以誣聖人案說文誣加也段注云加古架字然則華誣者廣設飾詞也高訓是義非

合譬飾辭聚衆也 成疏云合於譬喻

展成謹案漢書注云合爲也成說非

是終始本末不相坐 郭云恆不見罪坐也

展成謹案坐因也謂前後不能相合也夫惡人言已道人諛人而蹈其實故曰不相坐猶言不相因孟子所云惡醉而強酒者之類也子立解謬

以二缶鍾惑而所適不得矣 郭云各自信據故不知所之釋文缶應作垂鍾應作踵司馬本作垂鍾俞樾云二缶鍾一企踵之誤郭嵩燾云小爾雅釜二有

半謂之藪藪二有半謂之缶缶二謂之鍾皆量器也缶受四斛鍾受八斛以二缶鍾惑謂不辨二者所受多寡持以爲量茫乎無所適從矣

展成謹案郭嵩燾釋缶鍾爲量器是矣然謂一缶一鍾亦非此言缶鍾雖有定量今有二缶二鍾鬻者市者分持之恒有所差各爭其所持者爲是則驟不得明矣郭象似得其解

天道

禮法度數形名比詳治之末也

展成謹案史記張敖列傳以治刑名言韋昭曰有刑名之書欲令名實相副也索隱引劉向別錄云申子學號曰刑名者循名以責實刑名卽形名斲輪徐則甘而不固疾則苦而不入 司馬云甘者緩也苦者急也

展成謹案斲輪者斲輪孔說文有輻曰輪無輻曰輜斲輪徐則甘而不固

言斲輪孔大則輻易脫周禮考工記弓人斲目必棗鄭司農云棗讀爲舒舒徐也目幹節目則徐有舒義此謂輪孔闊也疾則苦而不入言斲輪孔小則輻不得入文子上德篇三十輻共一轂各直一鑿不得相入相入謂錯入他孔中此則謂各輻之孔共一轂指車軸而言此則指車輪而言輻一端直轂鑿一端直輪鑿也後世不得其解久矣

天運

夫南行者至於郢北面不見冥山 司馬云冥山北海山名

展成謹案史記蘇秦列傳索隱引李軌曰冥山在韓國或云如司馬說未免太遠

儻然立於四虛之道 郭云宏敞無偏之謂釋文儻一音敞

展成謹案儻借爲倘則陽篇倘然若有亡也是其證儻然自失之貌山木

篇儻乎其息疑儻亦倘字之音借二字同從尙聲釋文又皆音敝音近之

證

仁義者先王之遺廬也止可以一宿而不可以久處親而多責 郭云夫仁義者人之性也人性有變古今不同也故游寄而過去則冥若滯而係於一方則見見則僞生而責多矣釋文親見也遇也

展成謹案親讀如遘言仁義如傳舍不可久處以之交則多責淮南齊俗訓今世之爲禮者恭敬而伎爲義者布施而德君臣以相非骨肉以生怨則失禮義之本也故構而多責高注云構謂以權相交權盡而交疏構構然也今案說文構交積材也象對交之形親構皆從構得聲相父義正字作遘

蟲雄鳴於上風雌應於下風而風化 司馬云雄者龍類雌者鸞類